

E intensidad di e crisis economico lo depende riba e velocidad di recuperacion di e sector turistico

Comunicado di prensa¹

15 di juli, 2020

Awe Banco Central di Aruba (BCA) a publica un 'Economic Outlook' revisa di proyeccionnan pa 2020.

Basa ariba data disponibel, y considerando e nivel significativo di incertidumbre relata na e pandemia di COVID-19 y e recuperacion economico, BCA a calcula proyeccionnan economico basa riba diferente escenario pa 2020.

A consecuencia di e medidanan extraordinario tuma pa asina proteha e bida di e ser humano for di e pandemia di COVID-19, e economia di Aruba, mescos cu e economia mundial, a wordo severamente afecta. E intensidad di e crisis economico lo depende riba e duracion di e pandemia di COVID-19 y e trayecto di recuperacion su tras. Consecuentemente, e economia di Aruba ta proyecta pa cay den termino real entre 16,4 por ciento (Scenario A: niun actividad turistico significativo pa un duracion di 3 luna) y 31,3 por ciento (Scenario C: niun actividad turistico significativo pa un duracion di 9 luna), compara cu un proyeccion di crecimiento economico di 2,8 por ciento, den un escenario den cual, entre otro, e pandemia lo no a sosode. E proyeccion di caida economico di Aruba, ta e resultado di un bahada grandi den e cantidad di bishitante, consumo priva (y importacion relata), y, den scenario B y C, un caida den inversion.

E inflacion anticipa (un averahe di 12-luna) pa 2020 ta proyecta di ta 1,4 por ciento den e diferente scenarionan. Esaki ta mas abou compara cu e inflacion di 4,3 por ciento registra den 2019. Esaki ta debi na un reduccion den tarifa di coriente desde 1 di januari 2020, tambe, asumiendo un prijs mas abou y stabil di crudo y ningun aumento den impuesto. Efectonan potencial den prijs, debi na un bahada den demanda relata na e pandemia no a wordo tuma den consideracion.

E caida significativo den actividad turistico ta causa un deficit grandi riba e cuenta corriente di e balansa di pago na 2020, segun tur scenario. E deficit aki ta wordo parcialmente mitiga pa un bahada den importacion, cu ta resulta for di bahadanan den ambos demanda domestico y turistico. E perdida den

¹ E original na Ingles ta prevalece.

credito di turismo ta wordo compensa pa un rebaho den pagonan di servicio, y un bahada den pagonan di entrada y transferencianan coriente.

Ta anticipa cu e cuenta di capital y financiero di e balansa di pago lo registra un surplus significativo den tur scenario den 2020. Esaki ta e consecuencia di un aumento fuerte den e deficit fiscal, cu ta premira di causa fianstanan externo substancial di gobierno. E ultimo aki lo compensa pa e bahada den entradanan relata na inversion, causa pa retraso den varios proyecto di inversion.

Na 2020, e reserva di divisa (excluyendo revaluacion) ta proyecta pa yega na un nivel entre Afl. 2.214,0 miyon y Afl. 2.472,1 miyon. E aumento proyecta den 2020 ta causa pa e expectativa di mas fianza di gobierno den exterior, como tambe un caida den importacion, locual ta compensa e deterioracion den e cuenta coriente relata na e caida di turismo. Reserva di divisa, segun tur scenario, ta proyecta di keda riba e nivel rekeri di 3,0 luna di pagonan di e cuenta coriente den 2020.

Tabel 1: Crecemento real di PDB y su componentenan 2019-2020 (den porcentahe)

Indicador	2019 ^c	2020 ^p	2020 Scenario A ^p	2020 Scenario B ^p	2020 Scenario C ^p
'Economic Outlook' (juni 2020)					
PDB	-0,7	2,8	-16,4	-27,0	-31,3
Consumo	-0,3	-0,2	-4,4	-5,6	-5,0
Consumo priva	-0,1	3,0	-11,3	-20,4	-21,7
Consumo publico	-0,9	-10,6	17,7	41,5	48,3
Inversion	-0,9	17,8	11,4	-1,9	-5,3
Inversion priva	1,7	19,4	11,1	-2,6	-6,2
Inversion publico	-46,9	-34,4	21,9	21,9	21,9
Exportacion	1,7	-0,9	-47,6	-70,4	-79,1
Exportacion di turismo	2,7	-1,4	-46,0	-69,0	-78,6
Importacion	2,0	0,7	-26,0	-39,6	-42,8

Fuente: BCA. c = calculacion; p = proyeccion.

E publicacion completo ta disponibel riba nos website (www.cbaruba.org).